



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Electo Et Præposito Colocensibus.

urn:nbn:de:hbz:466:1-20020

nestum, facientes quod statueritis per censuram ecclesiasticam firmiter observari; contradicentes, si qui fuerint, vel rebelles per censuram eandem sublati appellatio nis obstatu compescentes. Ad hæc, præfatum monachum, si abique scandalo fieri poterit, faciat recipi, salva ordinis disciplina, in monasterio antedicto. Alioquin ipsum in alio monasterio ejusdem ordinis collocetis. Nullis litteris veritati & justitiæ præjudicantibus à sede apostolica imperatis. Quòd si non omnes &c. duo veltrum ea &c. a/sqne exequantur. Datum Laterani Kal. Februarij, pontificatus nostri anno quartodecimo.

ELECTO ET PRÆPOSITO
Colocensibus.

*Epist. 153.
Confirmaur
electio Præpo-
siti Cibiniensis.
Vide infra epist.
85. & infra
epist. 156.*

Sicut dilectus filius magister R. nobis expone procuravit, carissimus in Christo filius noster Vngaria Rex illustris ipsum ad præposituram Cibiniensem duxit canonice præsentandum. Verùm quia præpositura eadem ad nos in spiritualibus nullo pertinet mediante, nobis humiliter supplicavit ut sibi eam in his quæ ad nos pertinent conferremus. Nos autem quod per dictum Regem factum canonice fuerat approbantes, per apostolica vobis scripta mandamus quatinus dictum R. in eadem præpositura instituere auctoritate apostolica procuretis. Datum Laterani x v. Kal. Februarij, pontificatus nostri anno quartodecimo.

ILLVSTRI REGI CASTELLÆ.

*Epist. 154.
Consolatur eu-
in tribulacione
sta, & dat in-
dulgentias.*

CVm personam tuam inter catholicos Reges speciali diligamus in Domino caritate, in his quæ secundum Deum requiris à nobis favorem tibi apostolicū libenti animo impertinur. De infortuniis ergo quæ nuper serenitati regiæ acciderunt paterno tibi condolemus affectu. Et ut favorē apostolicum excellentiæ regiæ sentias non deesse, juxta petitionem tuam & instantiā dilecti filii Segobiensis electi nuntij tui, qui circa promotionem ejusdem negotij extitit sollicitus & attenus, Archiepiscopis & Episcopis per regnum Franciæ ac Provinciam constitutis nostris damus litteris in mandatis ut subditos suos sedulis exhortationibus moneant & inducant, in remissionem omnium peccatorum ex parte Dei & nostra verè pénitentibus injungentes, ut cum Sarracenis in octavis Pentecosten proximo affuturis campestre bellum indixeris, in hoc tibi necessitatibus articulo succurrentes, necessarium impendant auxi-

*Vide lib. 13.
epist. 153. lib.
14. epist. 3. 4.
lib. 15. epist.
15.*

lium in rebus pariter & personis; ut per hæc & alia quæ fecerint, cœlestis regni gloriam consequantur. Pari quoque remissione gaudere concedimus peregrinos qui propria devotione vndeunque processerint ad idem opus fideliter exequendum. Monemus igitur serenitatem regiam & hortamur quatinus toram spem tuam ponens in Domino Deo tuo, te humilis coram ipso, qui gratiam suam dat humilibus, & reddit retributionem superbi; quia potens est ut te faciat de inimicis crucis Christi magnifice triumphare. Ceterum quia nunc ferè totus mundus turbatus est & positus in maligno, consilimus & monemus ut si competentes treugas inneris, ipsas recipias, donec opportunius tempus adveniat quo ipsos valeas securius expugnare. Datum Laterani 11. Nonis Februarij, pontificatus nostri anno quartodecimo.

SENONENSI ARCHIEPISCOPO
& suffraganeis ejus.

REcepimus litteras dolere plenas & timore non vacuas quibus carissimus in Christo filius noster Aldephonius Rex Castellæ illustris significare curavit quod Sarraceni hoc anno intrantes Hispaniam in multitudine gravi, quoddam castrum Cisterciensis ordinis fratrum, quod Salvatera vocatur, hostiliter obfederunt, quod bellicis machinis infestantes ad ultimum occuparunt. Attendens ergo præfatus Rex quod nisi eis campstrei bello fortiter resistatur, ipsi tum propter innumerabilem multitudinem personarum, tum propter irruptionem machinarum durissimam, universas munitiones suæ possint nefandæ subicere ditioni, campestre illis bellum indixit in octavis Pentecosten proximò affuturis, eligens mori potius quam Christianæ gentis mala videre. Vnde nobis humiliter supplicavit quatinus ei necessarium faceremus auxilium impetriri per catholice fidei professores. Nos igitur pius ejus propositum in Domino commendantes, fraternitati vestrae per apostolica scripta mandamus quatinus subditos vestros sedulis exhortationibus moneatis, in remissionem omnium peccatorum ex parte Dei & nostra verè pénitentibus injungentes, ut ei præscripto termino in hoc necessitatibus articulo succurrentes, necessarium impendant auxilium in rebus pariter & personis; ut per hæc & alia bona quæ fecerint, cœlestis regni gloriam consequi mereantur. Pari quoque remissione gaudere concedi-